



Kæri nemandi

Næstu vikurnar ætlum við að vinna þemaverkefni um ævintýri og þetta vinnuhefti er hluti af því.

Meginmarkmið verkefnisins eru þau að nemendur

- læri að setja sér markmið
- læri að halda leiðarbók
- átti sig á því hvernig hugmyndir að ritunarverkum kvikna og hvernig hægt er að vinna úr þeim
- læri mikilvægi þess að undirbúa vinnu sína
- læri hvernig ævintýri eru byggð upp
- geri sér grein fyrir sögusviði
- átti sig á innbyrðis tengslum persóna í skáldverkum
- læri að skrifa bréf
- geri greinarmun á uppkasti og hreinritun
- læri sjálfstæð vinnubrögð
- læri að nýta sér uppflettirit svo sem réttitunarorðabækur og alfræðiorðabækur
- geti leiðrétt texta sinn
- lesi daglega texta að eigin vali
- æfi sig í að lesa upphátt, t.d. í lestrarleikhúsi
- geri sér grein fyrir hvað persónusköpun er
- tengi ævintýrin við nútímann
- læri að leita á Netinu
- læri að búa til súlurit
- læri að vinna með öðrum
- læri að setja sig í spor annarra
- læri að meta sjálfan sig

Markmið sem þú setur þér

Það er mikilvægt fyrir þig að setja eigin markmið niður á blað og hvernig þú ætlar að ná þeim. Dæmi um markmið sem þú gætir sett þér: Ég ætla að vinna betur með öðrum í hópnum og það geri ég meðal annars með því að hlusta á aðra.
